

Prof. dr. Asija Začiragić

Redovni profesor od 2023. Specijalista kliničke imunologije od 2008. Magistarsku radnju pod naslovom «Koncentracija C-reaktivnog proteina u serumu pacijenata sa diabetes mellitusom tip I i tip II» odbranila 2006.

Doktorsku disertaciju na temu „Ispitivanje korelacije asimetričnog dimetilarginina i C-reaktivnog proteina u serumu pacijenata oboljelih od diabetes mellitusa tip II“ odbranila 2011. U akademskoj 2014/2015.godini završila post-doktoralni studij na temu zdravo starenje na Erasmus Medicinskom Centru Univerziteta u Rotterdamu, Holandija. U sklopu stručnog usavršavanja boravila je na Medicinskim fakultetima u Innsbrucku, Rimu, Hamburgu, Cambridgeu, Barseloni i Pragu. Bila voditelj 3 domaća, kao i saradnik u 5 domaćih i 4 međunarodna naučnoistraživačka projekata.

Sudjelovala u izradi četiri univerzitetska udžbenika, te je autor poglavlja u pet knjiga objavljenih na engleskom jeziku. Učestvovala je u prevodu knjige „Your Amazing Immune System: How It Protects Your Body“ sa engleskog na bosanski jezik. Prevela je odobren i autoriziran Montreal Cognitive Assessment Test sa engleskog na bosanski jezik.

Publikovala je 68 radova u zemlji i inostranstvu, od toga 16 kao prvi autor. Naučno područje od interesa: fiziologija čovjeka, inflamacija, disfunkcija endotela, dijabetes, demencija. U okviru IFMSA SCORE BoHeMSA programa razmjene bila je tutor studentima iz Italije, Češke, Meksika, Španije i Tunisa. Aktivno govori engleski i francuski, a pasivno njemački jezik.